

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 11. sjednici, održanoj dana 12.01.2024. godine, d o n o s i

## ZAKLJUČAK

### I.

Prima se na znanje Informacija o dosadašnjim poduzetim aktivnostima u cilju zaključivanja novog Kolektivnog ugovora za službenike organa uprave i sudske vlasti u Federaciji Bosne i Hercegovine, broj: 06/1-30-85-1/24 od 05.01.2024. godine.

### II.

Ovlašćuju se:

- Nebojša Nikolić, ministar Ministarstva za pravosuđe i upravu Zeničko-dobojskog kantona, da kao ovlaštenu pregovarač u ime Vlade Zeničko-dobojskog kantona i kao predstavnik nadležnog ministarstva sudjeluje u pregovorima i potpisivanju dnevnih zapisnika o pregovorima sa ovlaštenim predstavnikom reprezentativnog sindikata o Kolektivnom ugovoru za službenike organa uprave i sudske vlasti u Federaciji Bosne i Hercegovine.

- Dženana Čišija, ministrica Ministarstva finansija Zeničko-dobojskog kantona, da u ime Vlade Zeničko-dobojskog kantona sudjeluje u pregovorima kao stručna pomoć ministru Ministarstva za pravosuđe i upravu Zeničko-dobojskog kantona o Kolektivnom ugovoru za službenike organa uprave i sudske vlasti u Federaciji Bosne i Hercegovine.

### III.

Ovaj zaključak stupa na snagu danom donošenja.

**PREMIJER**

Broj: 02-\_\_\_\_\_/24  
Datum, 12.01.2024. godine  
Z e n i c a

*Nezir Pivić*

DOSTAVLJENO:

1x Ministarstvo za pravosuđe i upravu,  
1x Ovlaštenim, putem Ministarstva za pravosuđe i upravu,  
1x Stručna služba Vlade Zeničko-dobojskog kantona,  
1x Samostalni sindikat državnih službenika i namještenika  
u organima državne službe, sudskoj vlasti i javnim ustanovama u FBiH,  
putem Ministarstva za pravosuđe i upravu,  
1x a/a.



Broj: 06/01-30-85-1/24  
Zenica, 5.1.2024. godine

## INFORMACIJA

### o dosadašnjim poduzetim aktivnostima u cilju zaključivanja novog Kolektivnog ugovora za službenike organa uprave i sudske vlasti u Federaciji Bosne i Hercegovine

Dana 26.10.2023. godine je izvršena primopredaja dužnosti u Ministarstvu za pravosuđe i upravu Zeničko-dobojskog kantona između novoimenovanog ministra Nebojše Nikolića i prethodnog ministra, Edina Hasaničevića, o čemu je sačinjen Zapisnik, broj: 06-02-16036-1/23, a u kojem su navedeni predmeti i popis dokumentacije u radu a koji se, između ostalog, odnose i na aktivnosti ministra.

Jedna od tih aktivnosti je ta da je prethodni ministar, Edin Hasaničević, bio imenovan u pregovarački tim u ime Zeničko-dobojskog kantona u vezi pregovaranja oko novog kolektivnog ugovora za državne službenike, da su održana dva sastanka, predmet broj: 06-30-8725 od 26.5.2023. godine i da se zapisnici nalaze na službenom e-mailu ovog Ministarstva.

Dalje, u vezi sa navedenom aktivnošću, a kako bi se ista mogla nastaviti, ministar Nebojša Nikolić je tražio da se pripreme svi predmeti i raspoloživa dokumentacija te su od strane Višeg referenta za tehničke poslove ministra predloženi predmeti i dokumentacija kako slijedi:

-predmet PA broj: 06-30-9690/23 od 13.6.2023. godine o davanju saglasnosti za potpisivanje Principa pregovaranja za zaključivanje Kolektivnog ugovora za službenike organa uprave i sudske vlasti u FBiH u kojem predmetu se nalazi akt ovog Ministarstva, broj: 06-30-9690/23 od 13.6.2023. godine putem kojeg akta je upućen prijedlog Zaključka Vladi Zeničko-dobojskog kantona kojim se daje ovlaštenje ministru Ministarstva za pravosuđe i upravu Zeničko-dobojskog kantona da potpiše Principe pregovaranja za zaključivanje Kolektivnog ugovora za službenike organa uprave i sudske vlasti u FBiH a u obrazloženju istog je navedeno da je Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, putem e-maila, dostavio ovom Ministarstvu Zapisnik sa radnog sastanka održanog 7.6.2023. godine (Zapisnik, broj: 01-573/23 od 8.6.2023. godine) na koji Zapisnik je donesen Zaključak kojim se zadužuju Vlada FBiH i Vlade kantona da resorni ministri ili premijeri dobiju saglasnost za potpisivanje Principa pregovaranja za zaključivanje Kolektivnog ugovora za službenike organa uprave i sudske vlasti u FBiH, kako bi se otvorio proces pregovaranja i usklađivanja novog Kolektivnog ugovora za službenike organa uprave i sudske vlasti u FBiH i Vlada Zeničko-dobojskog kantona je na 24. sjednici, održanoj dana 15.6.2023. godine, donijela Zaključak o davanju saglasnosti za potpisivanje Principa pregovaranja za zaključivanje Kolektivnog ugovora za službenike organa uprave i sudske vlasti u FBiH, broj: 02-30-9836/23 od 15.6.2023. godine (u spisu je kopija Zaključka naknadno pribavljena) i u spisu predmeta je akt "PRINCIPI PREGOVARANJA za zaključenje Kolektivnog ugovora za službenike organa uprave i sudske vlasti u FBiH", bez broja i datuma i nije numerisan, na zadnjoj strani potpisan od strane predstavnika Vlade FBiH, Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, te predstavnika Vlade Kantona Sarajevo, Vlade Županije

Posavske, Vlade Bosansko-podrinjskog kantona, Vlade Unsko-sanskog kantona, Vlade Srednjobosanskog kantona i predstavnika Vlade Zeničko-dobojskog kantona. U predmetu nije bilo druge dokumentacije.

- zapisnici sa službenog e-maila ovog Ministarstva (Zapisnik od 6.9.2023. godine i Zapisnik od 26.9.2023. godine) iz kojih se može konstatovati da je prethodni ministar učestvovao na sastancima pregovaračkih timova za zaključivanje Kolektivnog ugovora za službenike organa uprave i sudske vlasti u FBiH i da je nakon održanog sastanka dana 26.9.2023. godine odlučeno da se pregovori nastave dana 6.10.2023. godine a kako bi se usaglasili svi ponuđeni prijedlozi i izradio konačan Prijedlog Kolektivnog ugovora koji će potpisati ovlašteni predstavnici Vlade FBiH, Vlada kantona uz prethodno pribavljene pismene saglasnosti gradova i općina na području kantona a o kojim pregovorima nema nikakvih podataka niti dokumentacije u ovom Ministarstvu tako da nije poznato da li su isti održani i ako jesu kakve odluke su donesene. Ovo Ministarstvo ne raspolaže sa dokumentacijom da li je prethodni ministar imao ovlaštenje odnosno saglasnost da učestvuje u pregovorima kao i drugim aktivnostima u smislu parafiranja, potpisivanja vezano za novi Kolektivni ugovor za službenike organa uprave i sudske vlasti u FBiH.

Vežano za predmet, broj: 06-30-8725 od 26.5.2023. godine, koji je naprijed spomenut, izvršene su provjere, obzirom da unutar ovog Ministarstva tog predmeta nema, te je utvrđeno uvidom u evidencije da je kod zajedničke pisarnice Zeničko-dobojskog kantona zaprimljen Poziv za radni sastanak "Izmjena i dopuna Kolektivnog ugovora" upućen od strane Samostalnog sindikata FBiH Sarajevo koji poziv je zaveden pod brojem : 06-30-8725/23 i koji je kroz internu knjigu ovog Ministarstva, zaveden pod brojem 2416, preuzet od strane prethodnog ministra, Edina Hasaničevića dana 29.5.2023. godine.

Ovo Ministarstvo, osim naprijed navedenog, ne raspolaže više bilo kakvim informacijama i dokumentacijom u vezi aktivnosti u vezi novog Kolektivnog ugovora za službenike organa uprave i sudske vlasti u FBiH.

Slijedom naprijed navedenog a s obzirom na novonastalu situaciju, kako bi se mogle poduzeti daljnje aktivnosti u vezi predmetne stvari a koje su u nadležnosti ovog Ministarstva, dostavlja se ova informacija na znanje Vladi Zeničko-dobojskog kantona kako bi se zauzeo stav o ovom pitanju i odredili zadaci i smjernice u vezi aktivnosti učešća u postupku pregovaranja i eventualno potpisivanje novog Kolektivnog ugovora za službenike organa uprave i sudske vlasti u FBiH.

Također, od strane Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, aktom broj: 01-511-1/23 od 25.12.2023. godine, je upućen poziv i Vladi Zeničko-dobojskog kantona za nastavak pregovora u vezi donošenja novog Kolektivnog ugovora za službenike organa uprave i sudske vlasti u Federaciji Bosne i Hercegovine a u kojem pozivu je Sindikat državnih službenika i namještenika u FBiH obavijestio i Vladu Zeničko-dobojskog kantona da je sa Vladom Federacije BiH zaključio Kolektivni ugovor za službenike organa uprave i sudske vlasti u Federaciji Bosne i Hercegovine, objavljen u Službenim novinama FBiH, broj: 98/23.



**MINISTAR**

*Nebojša Nikolić*  
Nebojša Nikolić



Bosna i Hercegovina, Zenica, Kučukovići br. 2  
telefon: 032/460 740 i 460 741; Fax: 032/460 742  
e-mail: [mm.pravosudje@zdk.ba](mailto:mm.pravosudje@zdk.ba),  
[www.zdk.ba](http://www.zdk.ba)